

國民
貴州通志
(二)

民國・劉顯世 谷正倫 修

任可澄 楊恩元 纂

一百七十卷 首一卷

民國三十七年貴陽書局鉛印本

門贖銀增額三百兩餘更隨時爲之酌處移緩就急極簡易無甚難行者但川之遣官增兵似宜行該省查議然官可以更番而遣無待專設黔甚瘠薄既可勉強增兵三百名川之土地錢糧不啻十倍之而不足辦此非理也伏乞勅下兵部覆議如臣言可採經請上裁行川貴遵照先行再議徒滋案室之談無救目前之急仍請敕下吏部急選風力執法之臣來代某懇賜嚴旨申飭兵備等官緝拿劫賊朱敬等正法楊應龍敢仍前廣招生苗以逞逆圖自積糧草而負公賦容撫按官從重參處庶彼有所畏而不爲我有備而無患矣若以么麼一州之地抗拒王師既經勦撫待以不死而猶敢違勦約貽害兩省罪在不赦則在廟議當有候時而動者非臣所敢知也

按紀要稱應龍叛屯兵二十七營於七里谷以窺黃平殆即此

貴州提學副使沈思充重修貴州通志

思充萬歷中累遷貴州提學副使有史學留心文獻嘗召鄉先生陳尙象及諸生中之多聞識者會纂貴州通志而思充手自裁定卒然有條理可觀所謂丁酉志是也江東之有序具藝文志

貴州通志

前事志十二

三八

前事志十三

前事志十三

明

神宗萬歷二十六年改銅仁長官司爲縣

二十五年以銅仁土司李永不職改置銅仁縣

二十六年革銅仁司置銅仁縣後又革大萬山司

置銅仁縣隸銅仁府附郭從巡撫江東之巡按應朝卿請也

巡撫江東之請建改縣治疏曰題爲俯順夷情建改縣治請乞乾斷銓官鑄印

以光聖化事照得銅仁土官李永授襲職以來虐政殃民里老陳秀奇等於萬

歷二年具狀告改縣至萬歷十四年內士民范軫等連名奏土官李永授犯職

十萬通苗判殺食賄異常乞賜勦除蒙准勘實發雲南平夷衛充軍終身改縣

之告民情孔亟乃二十年來宜行而不行者蓋人心之有無反覆事體之可

否經行建縣作何區畫賦役作何措處皆當永久之計不得不爲慎始之謀也

及撫臣林喬相按臣薛澧茂各批行二司會勘詳議該司隨委思南知府趙恆

本府知府張錫雅官江勝歸弔集里老洞民查審即據銅仁司鄉官舉監生員

里民萬貢張翔漢僥從先陳黔產萬邦傑陳應麟楊通明張儒等議冊內開稱

銅仁司李永授姦通苗盜竄國殃民科斂不經惡積盈貫每歲有五穀貢新之

派生誕慶祝之派五節拜賀之派賓朋會宴之派巡鄉馬蹄之派襲職則派盤

纏犯事則派貼罪出嫁則派裝奩婚娶則派牲幣死葬則派賻奠耕耘則派山

工斂木植爲宮室奪子弟爲皂隸占妻女爲婢妾入學有印色錢出仕有問安

禮遊山有過山錢船木有水而錢問事有過堂錢伏月而取活魚雪天而取稗

筭害民已極幸得正法充軍其始祖李淵襲土司不二世李述祖以漏洩軍情

發問遼東鐵嶺衛永遠充軍朦朧承襲至永授又犯軍罪查其祖領誥命勅書

李永授子以謙稱遺失無存土民萬貢等證其前犯重罪已蒙追奪是李氏一

官而兩犯重罪已當從革襲揭黃之例況銅仁之民生齒日繁文物日甚與中

州相埒安忍使之日坐於湯火之中也且縣治設於附郭既無鑿池築城之費

輟助本乎人情又無多科加賦之擾其間一二未備勢不能不取之民暫勞而

永佚之暫費而永寧之孰不舉手加額而鼓舞樂從也府官備述民望之殷經

制之宜呈報到司通詳在卷及臣到任思石兵巡道副使張斗首以銅仁建縣

貴州通志

前事志十三

三九

爲辭臣以爲改土爲流誠撫綏之至計時雖舉羸恐經制之勞民且利不百不

興害不百不革事非細故談何容易已諮詢經年駁議再四查據布政司署印

按察司清單驛傳道副使郭廷良會同按察司署印提學僉事沈思充分巡思

石撫苗道副使張斗分巡貴寧道僉事方萬策分巡新鎮道僉事梁銓都司署

指揮僉事張雲朝操捕署指揮僉事議照設流改土原爲利國惠民設縣分州

亦當因時乘勢土司李氏其父李永授遠竄充軍久爲喪家之狗其子李以謙

狼心未泯不過塌翼之雛雖黨與間與異議勢難死灰復然使銅仁士民得見

天日此尤千載一時也觀其建縣則捐資徵糧則出稅其情狀可見矣但土司

之改縣無罪則當論情子孫遂得襲爲佐貳有罪則當論法子孫遂編爲齊民

此貴州之已行歷歷可考若李以謙有罪者也酌於情法之中與以主簿之職

給以夫馬不許管事加以法外之仁彼爲踰涯之望矣伏乞題請救民於水火

之厄措之於衽席之安等因并將建縣事宜開款申報該臣會同貴州監察御

史應朝卿酌議改縣之舉不特於國家治體在所當行揆之地方民情必不容

已如鎮遠府之鎮遠縣都勻府之清平縣思南府之印江縣皆改之即安人無

反側惟貴陽府之新貴縣因石星賈惟倫二臣納賄許其恢復以致安疆臣乳
吳小子陸梁無忌聖旨一定彼將帖尾服矣況李以謙無安疆臣之資又有總
兵彈壓其地萬不必為深憂過計也二十年來士民之望建縣如赤子之望慈
母臣不忍坐視生民塗炭聖天子在上中外一家豈可使銅仁之民不得均霑
王化哉臣敢冒昧上請伏乞勅下該部查議如果臣等所言不謬將銅仁長官
司改立一縣隸銅仁府管轄恭請聖明欽定縣名鑄給印信特選才力廉幹知
縣一員典史一員勒限前來任事土生李以謙改為世襲土主簿不許任事一
切建置事宜俱聽臣等遵照條列事欵施行庶邊省之郡邑大備可垂永世之
良規政治之牧養得人可慰士民之瞻顧矣

水西宣慰安疆臣及目把陳思王嘉猷等請復貴竹為司兵部尚書石星令貴州撫
按查還巡撫江東之疏勅星並請勘究疆臣報可

貴州通志

前事志十三

四〇

向奏事情其一係宋承恩與教官熊夢祥爭執曾經提學道僉事沈思充
志改處分已平心無異說矣因安疆臣聽奸撥置欲驅其洪邊莊田及巴香
馬頭地故代為申奏其一辨復貴竹司臣詰之曰貴竹改新貴縣隆慶二年初
議六年屬貴陽府往牒俱在會典可證汝父安國亨不言於查議之初汝乃言
於三十年制定之後何也安疆臣曰疆臣年幼未知諸宗目知之明日帶宗目
百人跪於庭臣諭之曰汝等敢謂貴竹司之改縣為皇上變亂祖制也洪武間
止一宣慰司有布政使司自永樂十一年始汝將謂成祖皇帝為變亂祖制乎
程番十一長官之政府自成化之十七年始都勻邦水長官司之政府自宏治
十七年始凱里安撫司之改屬衛自嘉靖九年始汝又將謂累朝皇帝為變亂
祖制乎貴省府衛州縣俱係土司改置其子孫為流官各奉法無越志汝欲廢
新貴縣將舉貴州而胥為夷也我皇上聖德當陽國家氣運方盛安得妄興此
念諸宗無曰不聽惟稱安國貞常令上班以與國亨不協之故請以貴竹改土
為流也臣曰此爾民家事須靜聽處分無擅興兵甲諸宗目唯唯而退當初奏
事之時兵部尚書石星有敬君之心體國之念當折之曰前王所制即為法後

王所行即為令新貴縣名今皇上所命貴州縣治不獨改一貴竹司明旨一日
之未下則新貴治一日之猶存新貴縣之人戶錢糧歸天子之版圖誰敢得而
稱徵之新貴縣之縣丞主簿為天子之命官誰敢得而更置之即可以落奸人
之膽而杜其邪謀矣奈何石星之言曰該屬貴陽府者方屬貴陽府該還土司
者還歸土司又曰考其創制之規及今日削弱之狀復疏止於陸語無一字非
為安疆臣計也是以諸宗目心服臣之言實則倚石星之勢陛下未嘗有棄新
貴之心安疆臣已成其奪新貴之謀據稜其人下為徵其差銀縣丞朱顯印隨
居大方安疆臣喜而藏之雖拜牌拜表而不出主簿甯國梁願効忠天朝安疆
臣以為恨伏兵二千於省城之外欲伺其出而殺之舊年誘致所司而脅之以
兵遂捏向承祖等中文以欺侮天聽且謂高皇帝為之震怒天地為之昏慘文
移肆無忌憚不知有法不知有君近日據威清道副使林喬楠舉節道僉事方
萬策報稱安疆臣與兵數萬欲折安邦父屍掘其居地三尺大掠一百五十餘
寨流毒安順鎮甯二州殺傷良民焚燬官廨俱有實訴臣遣官禁諭依前對臣
之言曰疆臣年幼不知且身羈探木其狡猾閃爍如此非安疆臣之能皆陳思

貴州通志

前事志十三

四一

教之也安疆臣所居橫亘數百里羅兵數十萬其祖自漢唐宋元以至今日所
遺金銀堆集如山岳國家所未有之富合省土司所未有之強海內皆知之石
星憐其懦弱臣不知其何心矣陳思王嘉猷等初謀以為幼王安靜則彼享其
富吾輩何利於是倡恢復之言以順適其欲彼將不啻結納之費而可以坐分
其有如先時安國亨結首相張居正得其畫容供奉撫按莫不凜凜今石尚書
有路可通幸而得復十司從此可圖霸業安疆臣遂遣走京捷士多齎金銀未
必盡輸石星之家所求於石星之復流者已大憚安疆臣之願陳思因此稱首
相拜軍師石星遂蒙不韙之名夫砥礪名行者不以利汚義如土司揭燧賄僉
事梁鎰則揭之臣所以明不汚安疆臣賄副使林喬楠則揭於通衢以拒之石
星曾二臣之不若乎臣之所不敢信也三年以前安疆臣猶知敬慎自石星復
本之後遂謂石尚書許我恢復大張惡焰是以貴州萬口莫不指石星之復疏
而唾罵之臣不能為石星解也安疆臣欲復貴竹司也便欲棄新貴以徇之使
鎮遠思甯等司皆欲復其故地將盡棄一省以徇之乎陳思不過假虎之狐狸
安疆臣一當場之傀儡石星負節氣登極筦乃陳思之不若陳思欲為安疆臣

開土地石星則欲爲陛下燬土地矣陳思欲爲安疆臣增戶口石星則欲爲陛下損戶口矣陳思欲用夷變夏而改流爲土而石星不能用夏變夷而改土爲流石星納安疆臣之賄欲改易會典以增其十司之全不念皇朝一統之盛而自削版圖忍使有無縣之心由其謀不足以尊君而遂至於辱君才不足以禦亂而常至於釀亂西南之夷從此多事臣不曰陳思王嘉猷而曰石星也大抵夷司之於流官有二端非納賄以結其歡則以激變挾之若臣彼不敢以賄至恐以爲激臣謂取安疆臣無難事三策焉初不法則念安疆臣之年幼許其自新即陳思王嘉猷不遽加誅苟能改行從善則錄其輔導之功而有其撥置之罪可也再不法則照先年處安國亭故事革其冠帶責令縛獻奸徒不得以死屍抵塞俟其懲創而後復之可也三不法則撫院廉其惡狀開具奏聞率三省之兵以攻其外調各土司忠義之兵以攻其內裂其土地而分之絕其世爵可也今安疆臣未奉明旨遂霸新貴縣臣欲審安疆臣人稱年幼不知取其回文徒增陳思一番狂詆行布按二司拘陳思王嘉猷面審建縣始末以便題覆以完考成安疆臣藏匿不發先按臣至彼安疆臣不服考察今不服臣查勘皆恃

貴州通志

前事志十三

四二

石星而爲之石星之誤國豈淺鮮哉臣與石星素厚今日之事寧負石星不敢負陛下故據實陳之伏乞勅下兵部令石星有則痛加省改無則益篤忠貞察夷情之二端探臣之三策安疆臣雖係初犯罪惡異常酌議停安上請聖裁勿文前疏之過以長土酋之惡從此天子之餘威振遠疆臣之亂萌潛消庶幾戡石星失之東隅收之桑榆也再照藩封爲天潢之派來京尙不敢頻安疆臣恃其富強揀選一番捷士每月走轡之下志將何爲更勅下五城御史並錦衣衛官校盡行緝拿是亦塞官邪之路示儆遠之尊矣萬歷二十五年五月內設都察院題覆奉聖旨是巡按御史審究具奉欽此二十六年四月巡按應朝卿題覆奉聖旨是陳思等著該撫按官責令安疆臣解發勘結若再庇護參來重究新貴久已設縣不必再勘餘依議欽此

又疏曰 題爲土酋用賄殺人汗及朝士懇乞聖明亟賜嚴旨以救生靈以塞邪徑事照得安疆臣罪狀巡按應朝卿論劾奉聖旨是陳思等著該撫按責令安疆臣解發勘結若再庇護參來重治新貴久已設縣不必再勘餘依擬欽此臣與按臣定議安疆臣能遵行明旨悔罪自新從此相安於無言矣今有

三千生靈死在旦夕朝紳數輩受其點汚事難縱臣謹會同巡按貴州監察御史應朝卿敢爲皇上陳之先年安萬鎔爲宣慰使恩撫安國亭父子國亭反殺萬鎔父子撫臣阮文中何起鳴按臣鄧國仕奏時言二次題奉聖旨允行將其孫安國貞安插織金臥這地方設官坐鎮今國貞次子安定告安疆臣燒燬官解劫擄家財臣將安定發按察司驛候處分安疆臣抗不服勘去年倭報緊急兵部咨行臣衙門調兵土司臣諭安疆臣自備衣糧遵行部文安疆臣本無行意忽於今年正月內集兵二萬剽掠於省城三里之外以聽調爲名實欲擒殺安定並殺新貴縣主簿甯國梁臣與按臣以靜鎮之且不逆其詐檄召安疆臣赴軍門親領犒賞即日發兵東行乃計窮氣阻遽爾解散安疆臣殺心未遂仍用陳思謀令王嘉猷與陳秋光等十數人歃血爲盟先付銀二百兩封起銀二千兩竟以白日刺死安定於通衢臣當差官拿獲陳秋光唐明一等發貴陽府供招在卷省城非弄兵之地竊保乃在官之人安疆臣不知已犯王法猶伏兵四境欲盡殺其部落三千人揚言於道路曰我進大木數十根銀數萬兩可以斬殺自由撫按其如何欺侮朝廷如此臣聞之不勝憤恨速報安疆臣差

貴州通志

前事志十三

四三

羅景春等自京師來坐驛馬九匹臣委官拿解除皮包衣段發布政司遣回外摺得夷目李元育陳敬聖各書一封內稱寄送張近泉衙門使用銀四十兩審之張近泉瀾名張矮子住長春一條衛衛安差來京久住皆其潛藏者也又毛國康寄夷目書一封內云司主欽獎皆年丈維持之功在京行事羅西田大才弟不過指引代勞而已審之毛國康即毛懋康係工部吏與安會夷目結爲兄弟各衙門打點皆其指引者也又宋汝奇書一封內稱謝厚賜審之宋汝奇係數萬巨商住武功坊西大街與安會父子相交凡打點銀有不敷從之那借者也同行承差張鯨麟揭在京探得貴州應巡按參革安疆臣冠帶毛懋康引見該司承行吏章用吾先送銀二百兩轉尋監生鄭賓亭送員外某銀七百兩方得覆本免革進大木毛國康引見節慎庫吏萬璟都水司吏蔡貴宇各送銀一百兩托送郎中某銀七百兩求得覆本內旌獎數語禮部國康引見吏盧榮恩送員外某銀一百兩求得題請宴賞又送車駕司某銀五十兩求勘合填欽賞字樣凡各部覆本承行吏俱竊稿與安會差人先看有毛國康邀帖約期可憑安疆臣票仰在京氣脈云李元育所稟欠使用銀知道了汝放心銀後而帶來

充軍餉及更農事例銀內兼添發給即使三省通完尙慮撙撙而況拖欠一至於此耶今查自萬歷十四年起至二十四年止湖廣拖欠銀七萬一千一百五十七兩四錢七分七釐零四川播州拖欠銀二萬一千二百二十七兩九錢烏撒府拖欠糧六萬七千二百七十九石六斗銀三百七十六兩七錢烏蒙府拖欠銀一萬五千五百四十四兩四錢東川府拖欠銀一萬五千六百三十三兩鎮雄府拖欠糧三萬六千一百七十七石以上二省共拖欠糧一十萬三千二百九十六石六斗銀一十二萬三千四百四十六兩四錢七分七釐勢已匱乏復加以征勦播會及地方添置防伏計之所費又皆額外之出則何能使庫藏不竭故先撫臣葉夢熊彭富履催不完特疏題請兩奉明旨令湖廣布政司將庫銀借解濟用候追各府州縣補還詎意該司託言災傷毫無起解二十三年九月內又該撫臣林喬相題參至十七年止欠銀二萬一千四百七十七兩零該戶部覆開先據湖廣撫院咨稱除陸續解過外止欠四千七十七兩零於二十三年三月內差官邱舜卿等解赴辰州府交收轉解訖今稱前數未完或由該府轉解稽遲合行湖廣撫臣覈實奏報等因奉欽依備查在卷今臣揭卷行查而該省布政

貴州通志

前事志十三

四六

司回稱前銀係完十九年以後之數緣各屬難從撫院改充考成十七年以前之銀在彼既不借解又不嚴追仍復以虛數遷延不幾於回廢明旨哉及查湖北道自專責以來近日完解正徵頗多蓋由兼督之法稍可行也至若四川四土府屬川南道該道與貴州原無統轄是以視土司之拖欠慢不經心縱有告急之文玩如秦越貴寧道亦難以兼制之令行之矣若播州屬之上川東道臣奉勅督理屢行催納半年得一回文但依楊會巧文虛塞尤稱道路不通臣移文四川撫按切責楊會始認二十四年五年之額臣喜其來而誠信之將促其解而漸諭之也照得貴州漢少夷多不得不鎮以兵威之重田少山多不得不望於鄰省之濟先因二省解運不前爲之那借以待其追捕今則追捕不足年復一年積歲已極其在布政司庫者除探木銀兩外僅有五千餘兩各有支使欸項十三省之司餉未有如貴州之調者貴州素稱瘠薄之省未有若此時之甚者計算軍餉將缺一年之額搜括庫藏再無那借之金不但變生肘腋不能趨饑夫以臨戎即使軍無承平亦難枵腹以度歲此臣之所以苦心焦思而不得不預爲之憂者也伏乞皇上軫念邊陲重地垂憐邊軍無食可虞亟勅該部

再加查議上請將前項欠銀糧行令川湖二省於庫貯銀內借解接濟候各追徵補還或將以後年月俱聽二省徵貯司庫照濟邊事例依時解發及將川南川東北照湖北遺軍督事例責成催完楊會錢糧不納專責之川東道不得聽其飾逆之辭因土府錢糧拖欠專責之川南道不得坐視鄰封之急蓋楊會之額納未解而通負甚多是以諸土府降罰所不及而觀望效尤者名順而實逆各土府同知通判等官夷方所不赴而職司督糧者名有而實無且專制於二千里之外受害則在貴城之中乞天語叮嚀嚴令二省撫按一體催督司道等官仍前推委不聽約束容臣據實參治庶官守知警無掣肘之累兵食有資不致脫巾之變矣

按川湖協餉此後李督亦一再言之於此可見當時黔力之絀

高岩苗連入新添衛掠財劫獄巡撫江東之徵漢土官軍討平之

疏曰以名別功

示激勵以靖邊境事臣惟貴州俗殊禮義之鄉人習食殘之性故求其大治必

貴州通志

前事志十三

四七

至於大亂臣願以不治治之也當羽糾結勢將猖熾如者牙巴香等處用兵數載而後底平則與其遺患於後不若撲滅於先臣又不敢以不治養之也臣甫任已將禦苗事宜開款申飭通行衛所營哨加意設防且節損公費增置募兵官道刼徒稍覺欽戰至萬歷二十五年正月二十五等日據新鎮守巡二道及都清守備等官各報稱本月十九日更餘時分被苗賊一百餘人越進新添衛東城行刼致仕僉事姚允升家當有門軍傳報印捕指揮何鼎臣陳堯年馬鎮國巡城納級指揮王之將把門千戶傅應弼倉卒聞警督軍救護一時人集未齊賊衆勢兇難敵殺傷官軍砍門衝出各官軍貪夜跟踪追緝等因報臣隨批將失事官先行照例住俸勒限緝拿真正賊賊解報陸續據印捕官追擒強賊阿成阿耿斬獲阿郎首級捉獲賊屬二名平越衛指揮郭維藩督哨總唐仲拿獲阿枉麻哈州知州蘇九阿差兵擒獲阿戒阿喇阿明阿播阿羊阿銀斬獲阿毛阿榜二級生擒賊屬一名守備陳尙策差兵獲娘孟各連賊解到該道發都勻府推官李珪審驗供招間復據二道報於二月十九日苗衆復越新添南城刼奪獄中夥賊因見軍兵防護嚴備徑奔致仕同知趙時騰家撞破重門吶喊

劫殺印捕等官率軍圍殺各賊抵敵放火焚燒房屋當時殺死數苗即被搶焚火內止斬阿浪首級一顆苗因火盛乘銳奔出殺死軍人五名殺傷二十七名等因又報到臣即批行嚴緝節據威清二道呈稱苗賊進城焚掠殺死官軍見今嘯聚水洞黃苗山肆放木刻猶欲復劫城堡取回被獲諸賊若不重加創懲將來士民何得安生該臣批行按察使兼監軍道遠議回稱新添衛密邇會城正臨孔道乃二旬之中城內兩被焚劫漸不可長今二道詳請剿辦喇喇等寨查得前賊尙聚山洞未歸本寨則多兵圍繞一鼓可擒臣恐不的又經差官探報相同臣敢相機征剿奉勅施行乃密檄行調都勻府獨山州土同知蒙天眷男蒙詔平州司土官楊治安各土兵一千名并發臣標下坐營中軍官張樹帶領指揮楊大材把總邱富郎武會千戶封進德所領撫葉定遠千戶王嘉言名色把總越其進督領省兵三百名前往聽候二道遣用及預令守備陳尙策千戶劉嘉爵王繼芳等各練兵聽候臣隨遣官齎執令旗令牌給發二道收捧振肅軍威切禁妄殺而合人王道友因與同謀恐致敗露乃倡言軍營力請招撫往來軍中潛漏聲息該道訪得交通情節擒解軍門一面遣兵圍掩高寨賊已

貴州通志

前事志十三

四八

知風隨出迎誘指揮楊大材把總越其進等督兵力戰斬獲阿由阿移首級二顆餘賊遁入夾壁山百里等官兵懼有埋伏不敢前進收兵把截蘇知州擒賊二名解道斬示至初六日蒙楊士兵齊集副使詹啓東僉事梁銓親詣監督於初七日分兵四面並進楊兵攻其前蒙兵襲其後官兵隨處施放火器各苗負險拒敵矢石如雨自辰至午楊治安土兵始斬賊級一顆蒙詔土兵攻破其巢斬首一十二級賊衆驚潰散亂漢土兵分路截殺千戶王嘉言名色把總越其進生擒二名千戶劉嘉爵百戶張守忠等督兵斬五級守備陳尙策督兵斬一級知州蘇九河差兵生擒三名斬一級哨官馬如麟生擒二名陳尙賢斬一級哨總楊一元斬二級都保王文斬一級生擒一名餘賊乘夜潛入深箐未經窮追各將功級俱解二道審驗隨查陣亡漢土軍兵八名陣傷六十四名各驗明訖紀先後斬獲首級共七十四顆賊屬三十六口共計一百一十名口各賊供二次行劫係舍人王道友軍人張保子謝騰高同莊丁家人阿爲招財等勾引越劫分贓情由具報到臣隨發火牌令二道傳諭附近鄰寨苗民各安心住種辦納糧馬僮有惡苗苗令自行擒獻及據解到擒斬功級并續獲賊犯發三司

會同研審該布政司左布政使楊歸儒按察使曹司動署都指揮僉事張雲翱及監軍道等審問生俘強賊所供劫情無異覆報姓名相同委俱夥賊並無枉曲會招呈詳覆行按察司審確具招前來該臣看得都勻一帶所轄州縣土司盡屬苗而麻喇等寨尤爲負固且近江外眼闊狗場等寨自來無管生苗聚則相爲應援散則逃奔深箐其桀驁有由也今加以衛所軍舍勾引何異開門揖盜若兩劫禁城之慘尤設衛以來未有之變幸而逆黨不至於蔓延臨陣微得於斬賊姚趙二家之劫賊幾盡蔡仲各種之逃移招安羣苗漸革狼心質仗皇上於赫之威殘孽尙懷不忠之罪也除將賊犯已悉三司會數明白摘招另具題請擒斬功級用過錢糧聽按臣至日覆奏報其效事獲功臨陣死傷員役俱經照例獎賞優恤外所據各官禦侮捍患皆其封疆之職守而糾罪論功乃明朝廷之紀律如新添衛署印指揮何鼎臣巡捕指揮陳堯年協捕指揮馬鎮國把門千戶傅應弼巡城納級指揮王之將等職均城守事承平始而劫掠公行於禁城難免縱賊之罪繼而人賊多獲於限內頗有擒賊之功都清守備陳尙策駐劄麻哈原非近在同城領兵高寨尤能身先士卒以上武

貴州通志

前事志十三

四九

臣所當容其以功贖罪責其緝拿餘賊者也都勻府推官李鉅城池非職業之司追緝賴提調之力且計畝勾引之姦軍拔除地方之禍本麻哈州知州蘇九河督率鄉兵既多獲醜曉諭夷寨又有獻俘分守新鎮道副使兼參議詹啓東老成持重動中機宜分巡都清道僉事梁銓任事慷慨躬當矢石且查新添失事皆非駐劄之城稽其夾擊成功多由指示之畧以上文職所當念其苦心錄其微勞量行紀敘者也標下中軍以都指揮體統行署指揮僉事張樹志銳策功令嚴督陣指揮楊大材會舉千戶封進德千戶王嘉言劉嘉爵名色把總邱富郎越其進皆勇可先登力能鏖戰應從優敘以備緩急之用再照貴省物力素詘凡遇驅策必先土司如獨山州土同知應襲蒙詔平州六洞長官司副長官楊治安各經應調趨事勤敏督兵千名裹糧效命首挫賊鋒終收全捷及查蒙詔父蒙天眷近年縛獻老省朝及斬樂禮生王華三戰三捷皆獲倡亂之渠魁今子蒙詔聽調宣威斬級一十二顆尤見其忠貞之世篤楊治安今次斬賊雖少生平首功甚多萬歷六年鄭仕紹以劇賊脫逃幻法惑衆楊治安擒獻正法曾荷聖旨這逆犯鄭仕紹著依律凌遲處死便決了傳首各土司梟示楊治

按據瑞陽阿集所載此外有請重捕權以風用命疏意謂巡捕指揮一府總任啓處不事百計偵選

五〇

檢衛官之賢否最易失其如事涉影響而總指責終身無昭雪之期人已懲艾而猶追求白首無更新之日由印官自爲身謀而各官業已玷污印可常保巧於自炫苛於責人故請嚴軍令文告與將士訂安邊徵盡職守文告以印捕互調以均利勞傷嚴軍令文告臨陣賞罰沅靖黎宜慰長官清苗糧牒文飭住不情官充實軍伍以圖禦苗之招諭苗民使向化策毋得尅扣軍餉以爲買苗之用嚴行賞罰牒文亦定禦苗備器械牒招集流民文告勸民鄉市立保築三級高樓以將吏賞罰苗與私通延訪文告求認糾苗如買朋之於朝等皆無非業申嚴禁約文告苗與私通延訪文告歌介子之于樓閣之材爲黎靖一帶苗設此外尙有體恤軍衛士卒各文要亦皆以苗患重而留意武事李督亦兢兢以播逆招苗爲憂則當日之苗勢可知此皮林之役之所

時將討楊應龍繼登請罷四川礦稅以佐兵食帝不省

三月乙未巡按御史宋與祖至貴州

興祖中江人以進士授官萬歷二十七年爲巡按貴州御史楊應龍之亂佐巡撫郭子章請兵增餉守貴征播大著勞績

按考史以論礦稅故

明己
短亥
結二
加字
依

誘官軍至飛練堡殲焉國柱及指揮李廷棟等皆死焉事聞罷東之以郭子章

代之三月己亥起前兵部侍郎李化龍總督川湖貴州軍務調束征諸將劉綎

吳廣陳璘等土司傳述劉樞南討應龍紀昀

二十七年二月貴州巡撫江東之令都司楊國柱指揮李廷棟部兵三千勦楊

應龍龍遣子朝棟弟兆龍何漢良等漢良進志多良漢一人迎敵於飛練堡我師

奪三百落賊佯走天邦。誘我師殲之。楊國柱罵不屈。與經歷潘汝資等俱死。

於是江東之坐浪戰罷以郭子章代之起前都御史李化龍兼兵部侍郎節制

川湖貴三省兵事決意進剿調東征諸將南征劉綎督川兵先發麻貴陳璘董

一元相繼回兵
本紀末
明鑑

五

子章字相奎泰和人隆慶五年進士萬歷二十七年以右副都御史巡撫貴州宣慰楊應龍反巡撫江東之以劾罷希難其人廷臣交薦子章帝用焉子章三月癸未受命五月己巳至沅州六月至貴陽巡按御史宋興祖於三月己未至貴陽子章初至覈所部兵不滿五千帑藏亦虛乃與興祖連疏請情詞懇切當事爲之感動如所請再請又益之前後畀漕銀四百萬兩漕糧三十萬石子章乃精簡文武僚吏以重兵守貴陽別募兵守偏橋等十二處以兵八萬屬總兵官李應祥令都指揮王納張秉忠守貴陽副總兵陳寅陳良珙參將朱鶴齡都揮指徐成皆令出征聽調總督調遣右參議加按察使楊寅秋參議張存意有才智熟於戎行皆令監軍其餘如布政使應存卓參政郭廷良王邦俊參議梅國樓張文奇按察使易登瀛副使尤錫類洪澄源路雲龍陳與相袁應文僉事加參議梁銓貴陽知府劉冠南同知徐廷綬通判夏勳皆分任使事事有備故事貴州雖行省而仰給於川湖以湖廣地遼闊而四川爲沃壤也播事起朝議三省合征貴故弱於二省與播尤密邇新有飛練堡之敗人心未振東之又曾以事劾安疆臣安氏與楊氏爲婚姻相唇齒故有內顧之憂事獨難於二省子

章與興祖綢繆備至又用寅秋計內撫安氏密解其罪而後播州失羽翼明年始與總督李化龍湖廣巡撫支可大誓師進兵既而貴州兵有烏江之敗貴陽戒嚴寅秋卒率安氏兵深入播州以平貴陽志

按貴志總部錄此文殆本之江盈科平播銘及鄒德溥郭青螺祠碑記江公之罷據明史本傳謂以京察被劾免官復以遣指揮楊國柱討楊應龍敗績事黜爲民與此小異然明紀等文或但撮其畧耳蓋據瑞陽阿集所載劉倅等留公各文則公之去實以疆臣事也傳文爲實

楊應龍陷綦江參將房嘉寵游擊張良賢死之

五月應龍乘大兵未集勒兵犯綦江已亥奄至城下時賊兵八萬而城中新募兵不滿三千參將房嘉寵游擊張良賢戰死城遂陷賊盡殺城中人投屍蔽江水爲之赤時僞軍師孫時泰請直搗成都劫蜀王爲質應龍遷延聲言爭地界冀曲赦如獲時李化龍以徵兵未至亦謬爲好語縻之冬十月帝聞綦江破大怒追擬前四川貴州譚希忠江東之職而賜李化龍劍便宜討賊明史五月總督馳至蜀即請設標兵益調募浙閩滇粵將士檄總兵萬鏊自松潘移

貴州通志

前事志十三

五二

重慶并調集鎮雄各漢土兵設防六月楊應龍乘我師未集大勒兵犯綦江分屯趕水貓兒岡夔國等以偏師一犯南川一犯江津其子朝棟守沙溪緝麻山防永甯宣撫與貴州十七日游擊張良賢遇賊舊東溪頗有斬獲二十一日應龍督苗兵圍綦江城數匝參將原文作游擊房嘉寵誤熱火磚反傷城上兵賊乘勢登城嘉寵帥師巷戰蜀兵爭謀走水上嘉寵乃殺其妻與良賢赴敵死應龍因刳令縱囚焚掠出綦江庫犒師依倉就食盡取資財子女去老弱殺之投屍蔽江而下水爲赤退屯三溪以綦江之三溪無度度省及明作度母南川之東鄉壩立石爲播界號宣慰官莊聲言江津合江皆播故土總督郭子章明史日夜徵調漢土各兵守渝城分戍南川合江瀘州軍聲漸振賊遷延不進初賊本無意竟反徒以安忍猖狂既覆我師飛練則騎虎勢不終下益結九股生苗及紅黑脚等苗負隅弄兵然猶冀我如往事曲有未敢鼓行深入止言爭界營葬并索奸民而總督因我援師未集蜀人畏賊如時時移文詰責示無違絕意計以緩賊賊果具文求撫不復西向總督亦謬爲好語縻之止駐會城調度示無張皇已上聞綦江破迫擬兩省撫臣譚希忠江

東之各爲民綏騎建兵備使王貽德賜劍懸賞嚴旨進勦總督益調各路兵專俟大舉紀事本末

五月貴州巡撫郭子章馳至蜀請設中軍標兵益調浙閩滇粵將士先檄總兵萬鏊自松潘移重慶並調集鎮雄永甯各漢土兵分守南川合江等處六月己亥楊應龍陷綦江時應龍乘大兵未集亟攻城城中新募兵不滿三千賊兵八萬奄至圍綦江城數匝參將房嘉寵誤熱火磚反傷城上兵賊乘勢登城嘉寵帥師巷戰蜀兵爭謀水上嘉寵乃殺其妻與游擊張良賢俱死之應龍因刳縣令縱囚焚掠因出綦江庫犒師依倉就食盡取資財子女去老弱者殺之投其屍蔽江而下水爲之赤尋屯三溪以綦江之三溪無度南川之東鄉壩立石爲播界號宣慰官莊聲言江津合江皆播故土益結九股生苗及紅黑脚等苗負險弄兵爲助時郭子章調土漢兵漸集軍聲漸振賊未敢鼓行深入但以爭界給葬爲詞仍具文求撫會總督李化龍至以援師未集蜀人畏賊如虎亦欲以計緩之時時移文詰責示無違絕意而應龍僞軍師孫時泰說應龍直搗成都刳蜀王爲質然應龍尙冀曲宥遷延不進化龍至成都亦謬爲好語縻之已而

貴州通志

前事志十三

五三

上聞綦江破迫擬兩省巡撫譚希忠江東之各爲民賜化龍劍便宜討賊調各路兵至以圖大舉明通志按紀事本末始云五月總督馳至蜀請設中軍標兵益調漢土兵軍聲漸振後又云總督郭子章日夜徵調漢土各軍明通鑑亦云貴州巡撫郭子章馳至蜀請設中軍標兵下又云子章調漢土兵漸集軍聲漸振化龍乃至考平播全書請設中軍及徵調漢土兵皆李督所爲請設中軍及徵調漢土兵皆李督所爲無其事郭公二十七年所上疏文雖遺然日俱載年譜錄見後且子章黔撫欲徵調請設何事至蜀也本末所云之總督子章總督下殆造化龍名抑或言總督及子章明鑑說則不知何據又鄒元標江公傳云最苦心者播賊讎五司五司在黔門庭中日苦殺戮公以赤手枵腹鼓舞數千兵士卽不克乃其心在報國足錄而諸臣未履疆場乘公致仕以文墨繩公後得削籍報公遂飲恨死嗟哉其爲公痛者深矣又按房張之死李督有請褒廕將官疏有飭建二將祠宇札有祭二將文均載平播全書祭文有云逆賊淫惡以逞荼毒生靈原野厭人之肉川谷流人

之血數年來未有顯言誅之者何也儒者以私養者以賄苟就一時之利而不顧國家久遠之害顯言誅之自房將軍始又云張將軍一戰東溪再戰四垣奮臂一呼萬夫辟易斬將奪旗潰圍陷陣何其壯也終以力盡援絕鼓衰士散竟至以身殉城然其英風義烈猶足吐懦夫之氣激壯士之肝云云請褒廕疏有云嘉寵曾以賄來則却之以使來則斬之懸賞招降張榜征討其視應龍居然裨中之豈豈其不知彼己而甘與爲敵思激於心義形於色直欲掉逆賊而平吞之又云張良賢以松邊名將賊虜有功誑謫成協守至纔數日與房角轉戰於三十里之外殺入重圍出而復入者三次勢不相當始議城守終以孤城無援奸細乘之遂城與身盡又云初聞賊欲破城有爲嘉寵計者欲移家他方身自爲守嘉寵毅然曰我爲主帥一移家人心遂搖城誰與守死則閤門死耳比城破乃自殺其妻而後以身殉張良賢見城不守欲刃其妻其妻曰爾自戰吾亦門賊而死遂持刃向賊衆爲披靡既就執賊衆義而釋之嘉寵之子亦無恙忠臣義士皆鬼神陰爲相護其家云云至二人忠堪貫日氣可成虹提一旅以捍危城率孤軍而當大敵斬將奪旗

貴州通志

前事志十三

五四

一代之英風不泯成仁取義千古之俠骨猶香數語則請廕疏及建祠札同用之皆盛稱二人之忠義若胡汝甯則謂其計無復之投水而死等死耳胡不以一矢相加遺尙獲戰死之名奈何其不善處死乃蔡江志載二將死事記乃醜抵房而盛稱胡豈房本庸庸李督特故旌之以獎誘後起耶抑俗腐罔知至計戎馬仇仇事無萬全持論但當原心彼乃不察其大而專毛舉人之細也茲特并附其記以備此役異說之參考

附蔡江縣志張房二將死事記 游擊房嘉寵守蔡爲萬歷己亥歲所部騷擾市民側目近縣竹木估伐一空二月間聞逆黨張讓葉國來侵蔡界率兵追至華墩賊已遁去房乃於楊崗溪斬獲十二顆中有誤殺者四月中播人周撫六來蔡販鹽被仇家捏報駝載確磧房即追拿梟首於市聞者冤之六月九日商人水三領播民十二前來投順房以爲細作亦斬於市楊應龍緣此藉口大發苗兵聲言報仇出巢犯順邊報日急房重禁市民搬移違者縱兵搶奪仍令城外人盡移城內謂賊莫敢襲城也二十日賊抵至登壩張游擊挺身前門約房爲援房伴應之乃於雞公嘴下揚兵作威助聲勢張被苗

兵圍繞數重振臂一呼苗皆辟易衝出重圍欲再前門顧無援兵居殿而退即語房曰今日之策空城爲上母重以蔡民罹鋒鏑也房不然其計明日賊縱兵圍城二將率兵至望城坡憑城約戰房放火箭藥發自焚賊乘勢殺入城遂陷男女被死萬計被擄千餘僞目把總何漢良坐踞縣堂封署庫藏焚毀倉儲應龍雖還尙留三秦蟠踞遠近劫掠此二十四年舊志原文蓋當時李悟菴所眼見而手書者是生邊繫者房誤蔡民者亦房與師辱國罪無可辭而當事者稱其死難列名在張將軍上乃其時尤有冤抑之守備胡汝甯百戶蔣懋賞胡汝甯漢中以守備陞湖廣都司道經渝州謁知府張與行張曰現蔡江有兵警足下何不替朝廷出力而他往耶汝甯激於義遂輕騎來蔡將與房協守主生員張鉉家到之日賊已壓境謁房出語張生曰主帥自用計畫不行苗兵衆且悍不以計迎戰而欲延敵入境以孤城抗之必無幸矣及臨戰手殺數十人援兵不至死亂軍中無有上其事者名遂湮沒百戶蔣懋賞練兵守城與賊大戰自望城坡轉戰至後街又至北門力盡而死無人收骨終泯泯無聞

貴州通志

前事志十三

五五

播賊楊應龍遺目把撥掠黃平平越邊境并使奸細窺覷各地情形總督李化龍奏請獎勵把截破獲有功員役報可

化龍疏畧曰題爲將官陸續擒獲奸細斬獲助播小苗類敘奏報以消姦黨事
照先該臣訪得播賊因見川省設兵有備無能竊發乃以目把姦徒裝扮漢人出入黃平偏橋一帶或招苗劫掠爲害或打探遠近情形亦有內地軍民利會金帛所引或潛踪影迹與人走透消息甚至以違禁硝磺鹽布等件攜入爲奸者牌行貴州按察司并守巡兵備等道及轉行將領等官各將鄰播一帶要隘地方嚴加把截盤詰奸細如遇播苗出沒併力擒斬有功員役先行犒賞事完優敘設或怠玩從重究處各等因節次申飭去後今據前因
據報該臣謹會同巡撫貴州兼督理湖北川東等處地方軍務都察院右副都御史郭子章議照賊自蔡江之役不敢復入四川獨以貴州兵力單弱故姦細往往出沒其間乃貴州罕獲奸細共七起多在黃平平越之間是賊所垂涎者意可知已而郭天俸兄弟由白泥進播過潘江而西州府縣人十月十九日
天文地理圖二張通天盤火器圖各一本大明歷統要二本歷統要各一本
續通志各一本外占風五盤標題各一本

五六

五七

州通志

前事志十三

五七

十七年六月內准兵部咨該巡按直隸監察御史蕭雷望題前事內開一清尺

1. The first step in the process is to identify the problem or issue that needs to be addressed. This involves gathering information and understanding the context of the problem.

100

– 12 –

體統至若普安接軫滇南改將增兵勢固難已龍泉爲思石要區宜設協守府佐但事體更張不厭詳慎應行總督撫按悉心會議妥當具奏以憑覆請定奪前件臣等看得總督設於四川原係居重取輕部覆已明無容再議總兵始以防苗設於銅仁今銅仁地方稍稱戢寧偏橋播爲思方股委應將銅仁總兵移鎮偏橋以重彈壓清浪參將移駐銅仁銅仁守備移於清浪一轉移間事體俱便普安守備設於安莊衛接壤滇中夷苗錯雜委應改設參將一員第今防播爲急應將銅仁參將暫移興隆普安參將暫移新添通候事定之日仍回原鎮見任普安守備趙大用聽調別用思南府佐原少委應增設府同知一員駐劉龍泉與思石守備協守即以附近知州資俸相應者陞補查得土司吏目半不到任合無酌量裁革四員少資薪俸不足行該府於餘稅銀內另議仍照四川建武安邊同知事例頒降關防以便申達軍機夷情至於總兵參將各官敕書通應開載信地責任行事一拓疆固壯邊藩議謂黔省重鎮單弱可憂近日偏橋之事可爲殷鑒議待播事平定制楚之偏橋鎮遠平溪清浪又割蜀之永寧烏撒鎮雄以拓黔壤等因本部覆議列土分疆版圖久定不加會議猶恐

貴州通志

前事志十三

五八

楚蜀別有窒礙應通行三省總督撫按衙門詳加商榷要見所議割地之事如果安便可行即酌定改正不得私意執拗儻有未便亦明白聲言具奏定奪前件臣等查得黔省本蕞爾之區而平清偏鎮四衛又屬於楚永播烏鎮土司又屬於蜀似應割屬黔中以便控制但今地方多故一改革間彼此互相推諉以致誤事俟寧謐之日通行三省另議一督積通議謂貴州一省每歲川湖協濟錢糧在四川有司全完而土司與湖廣省所屬節年未完數多等因本部覆議恭候命下移咨四川湖廣各將每年協濟貴州糧銀務要盡數催徵完解倘仍前後逋負經承各官聽貴州撫按參治如經收入等乾沒侵隱領解負役在途遷延依律究治立限比追前件臣等查得貴州原額官兵募兵糧餉議於川湖糧銀內支給共銀六萬八千有奇募兵錢糧按季支領合省二十衛所官軍應支糧餉尚有半年未給者有八九個月未給者祇因湖廣長衡郴等府州縣錢糧節年拖欠銀六萬二千三百七十六兩四錢九分有零四川土司在烏撒烏蒙東川等府共欠二萬四千六百餘兩在播會楊應龍共欠二萬三千五百餘兩今應龍已無望矣其餘拖欠地除臣等另文行催外即使如數解足僅可補

支官軍與舊募兵之糧餉今值地方多事新募勁兵必須增餉如蒙允念黔省物力難支乞照撫臣別疏所請閩廣等處准借庫銀三十萬接濟軍餉庶可支持伏乞聖裁奉聖旨該部知道欽此奉聖旨依擬行

之

疏曰題爲直陳地方艱危之狀以希特恩以消隱禍事臣受命總督三省防剿播會祇畏簡書冒死入蜀甫至則報會已親統大兵侵犯蜀境臣方調兵遣將書畫非寧無何又報會已攻下紫江漸逼重慶臣且十道徵兵寢食爲廢目今兵漸集勢漸張會亦且劉兵境上莫測向往而我兵微將寡烏合之衆僅足自守無能撲滅此積衰之勢非止一朝臣不敢不勉竭庸駑力圖底定乃臣有所大憂者不在兵糧不在叛逆而在內地之人心此如厝火積薪而寢處其上不能一夕安者也以下請題臣近日又接邸報見應天衛百戶范會一本爲恣違祖制等事奉聖旨這所奏貴州地方稅課井土產名馬有裨國用准差奏內內官監左監丞張慶督率官兵前去彼處會同撫按等官照例徵收銀

貴州通志

前事志十三

五九

兩解進不許擾害地方寫敕與他該衙門知道臣一見之不覺驚惶失措夫貴州何地此時何時而尙可爲此事乎蓋貴州原非省會止以通滇一線因開府立鎮強名曰省其實皆高山峻嶺軍民無幾尙不能當他省一大府有何名馬方物其誰不知之彼武弁貪竊無聊又見各省俱有稅使以爲貴州雖稱瘠薄然但得誑奏聖明奉旨徵稅傳食萬里道途數月計至彼處即不如額且可充囊此不過爲身家之計已耳豈復有一毫爲國之心乎夫使其爲往日之貴州也止於無稅而已乃今自播會造逆一破偏橋枯骨遍野再戰飛練流血成淵至今驛路阻絕人煙稀少逆會且猖獗思逞急於燒眉臣與撫臣郭子章每算及該省兵糧計無所之移書嘆惋今且驅遣民守危地小民如坐漏舟已有違心驟聞此舉將謂稅無所出必括於民轉相驚恐勢必逃散遐方孤城誰爲填實他日必有士卒不戰城門不守之勢而一方之勢去矣陛下天縱聰明必不忍以一方輿圖易數千稅課或亦未知地方情事設然應之云耳臣以爲貴州稅使宜急罷勿遣使臣爲三方總督湖廣亦係臣屬亦有防播之事然其地去播稍遠中禍未深臣不敢多爲不必然之說以聳動陛下惟是四川貴州去播

甚遇受禍最慘民心最危時勢最急臣若默不言恐禍機發不可收拾當是時而言之則晚臣謹會同巡按四川監察御史趙標貴州撫臣郭子章按臣宋興祖陳顯危情狀乞恩陛下伏望將貴州中使暫免遣行四川中使或令姑儘見收稅銀少辦方物暫取回京待播事寧靜之日另議

四川中使即應兩省士民雖在湯火尙免糜沸臣得以大義勉之令爲國家效死禦寇或底定有期太平可望矣臣無任激切仰望之至緣直陳地方艱危之狀以希特恩以消隱禍事理未敢擅便爲此具本專差承差陳承化齎捧謹題請旨

按文云見范倉一本云云是與下郭青螺所疏諫當另爲一事

秋八月己卯詔暴賊楊應龍罪頒賞格

按平播全書所載李督奏上懸賞規則凡十一條一不論大小文武漢土官兵軍民人等但有能擒斬楊應龍正身者除照兵部原擬及今增定賞格陞賞外仍加賞銀一萬兩功級驗明當即給與一各土司如水西安疆臣永寧奢世續西陽冉御龍石砭馬千乘以至天全平茶邑梅等大小衙門有能督率部兵擒斬楊應龍者除照兵部原格陞賞及瓜分土地外其本官係宣慰

貴州通志

前事志十三

六〇

者加副總兵銜給蟒衣玉帶宣撫加參將長官及知府知州加游擊將軍仍各給飛魚服色的親子弟准遞加官職領兵頭目准授長官或指揮千百戶等官世襲一不論漢土官兵軍民人等有能奮勇先登入婁山關崖門關大灘關苦竹關板角關三渡關黃灘關烏江關者陞三級賞銀一千兩有能奮勇先登打破播州城者陞五級賞銀三千兩有能奮勇先登打破海龍囤雖本身不能擒斬應龍而大衆驗係真正當先者陞七級賞銀五千兩一應龍手下軍師黃七孫時泰等謀士何漢良李旭戴貴張玉彭道張漢清何廷瑞陳太等督軍總管楊兆麟郭通緒楊珠楊明等內司總管何邦寧田一鵬田良玉等提調巡警尙守忠趙仕登謝朝俸張漢武羅剛朱敬袁守剛陳大恩石勝俸等苗頭總管吳金錢吳金富石朝貴曹萬曹嚴等各里頭目婁關張讓穆紹袁年袁蓋王繼先等及其餘但係領兵議事之人若有能率衆來歸或攜家歸附者以前罪惡盡除不問原有官者仍以原職守土原無官者授以指揮千百戶職銜令立功自効若能擒斬應龍者除照兵部原格陞賞外仍加賞銀一萬兩願爲土官者聽分其地世守內有楊氏親枝除擒斬照格

陞賞外投降者仍量授土職承其宗祀一應龍妻田氏子朝棟等能將應龍縛獻或致死獻出其屍准免本身死罪使得承奉其祖宗香火仍照部格量與優恤一管圍僞內官葉喜受閹懷石等及一切守圍之人與質當頭目妻子能率衆拒圍以待官兵不容應龍走入者僞官照先登圍例給賞餘人照例陞賞若能擒斬應龍者除陞賞外仍加賞銀一萬兩一應龍桃溪莊丁五十四里八十八局人戶及節年招九股惡苗及紅脚黑脚等苗有能自己束身投出者並不殺害係播民者仍管原業係苗民者量其遠近給以路費及照身批文發回原籍有能率衆舉義擒斬應龍來獻者與官一體陞賞一五司七姓之人有能擒斬應龍者有官者照土官無官者照土兵各破格陞賞仍賞銀一萬兩不拘原題三級之例一原格斬獲撥置同謀親信用事緊關從賊者將領遞陞二級官丁准照功頭目陞賞查例斬獲功頭目者應陞三級賞銀一百五十兩擒斬脅從者准照苗功計數倍賞查例苗級一顆賞銀五兩今加倍賞銀十兩一應龍頭目人等各係本省及外省人氏各有籍貫俱已查明若賞格懸示兩月之後既不能擒斬又不肯投降直至拒敵

貴州通志

前事志十三

六一

交兵爲賊盡力其家即係謀反之家賊平之後卽移文原籍將父兄子姪人等盡以謀反家屬捕誅一各土司有陽順陰逆逗遛觀望不肯盡力卽係附反之人賊平之日移師伐之一各將領如定有信地不行赴守定有師期不行赴敵及一切逗遛觀望畏縮退怯等情查照所犯輕重應收監者收監應斬首者斬首若軍士有犯徑行斬首又其下冊牌票內所載李督宣諭之人計七項一應龍本身一田氏楊朝棟母子一楊瑞龍楊兆龍楊祥龍等楊氏一族之人一田一鵬田良玉田種玉應龍至親一何漢良李旭張玉楊兆麟楊明楊珠孫時泰黃明敬何廷玉馬忠傅一元袁子童陳太何世才等一十三姓苗夷仲家苗黑苗犵狓苗木老子或作紫姜苗花苗菜家苗九股苗等一五十四里八十八局八路十二莊十三親管五司七姓內司外司頭目提調坐寨人婁關張讓鹿罕羅剛穆紹母柱王繼先袁年鄭葵駱朝賓趙仕登朱敬張漢清等一四方流寓七者其詞明白剴切語語動人茲以文多不備載

辛丑陳璘爲湖廣總兵官鎮偏橋

總督疏曰增補兵部題爲夷氛甚惡天討宜彰懇乞急發餉銀以佐軍興並

議增調將兵以圖底定事本年八月十二日據兵巡上川東道副使莫容報稱據南川縣申本月二十六日偵探應捕李一登向啓快手汪加忠回報據東鄉村逃回民胡禮稱說楊應龍差妻國壽把總張提調三人原領各名下苗兵各三百名假稱清理播界一面偵探內地動靜一面劫虜人財今縣屬地方如東鄉綠水鄧坎長壩明壩五村俱交連播界煙斷火絕萬種生靈逃竄已盡難以復其目把於本縣地名平潭河鑿一播字殺一人一猪祭碑又於本縣地名河坎石龍上鑿播州界三字又殺一人一猪一羊祭碑祭畢鳴鑼大叫各村俱要投播方許安插居住不然定將房屋燒燬人民盡殺不留有本縣地名溪園漕居民保甲牌內人戶盡華陳啓宗戴良資等三十餘家畏勢難敵遂自投順團案劉營其立意真偽皆不可知至於東鄉一帶地方熟穀俱被掠收於地名官壩豎立倉囤共一十七眼有家小苗數百看守等因本月十三日又據該道報稱八月初九日據高推官呈解奸細李朝諒係通播重犯李朝選親弟在楊會頭目何廷瑞名下何廷瑞令朝諒前來偵探內地情形因被拿獲本犯稱楊應龍自破蔡江之後即割營其山關外今又移營松坎何廷瑞割於苗兒岡又

貴州通志

前事志十三

六二

有小河臺住民柏益柏化鍾萬變黎文才張懷楊萬便等俱投會分投入內地打探消息又有三溪住民李思顯造大船一隻在三溪河蔡江投會各民將民房樓板折去修造小船百十隻在河兩岸見今陸續修造未已李思顯已於八月初一日搭船出探事情未知今在何處等因同日又據貴州布政司帶管分守思仁道左布政使應存卓呈據石阡府申報七月初八日據龍泉坪長官司報稱本月初二三四日連據各哨把總報稱播會破劫石藩門又於馬頭山點兵數日但言伺候楊應龍令箭至日每兵草鞋一雙飯米三升不知何幹等因看得石阡孤城切近播境萬一逆酋衝突無將無兵何以防禦合行飛報同日又據塘報千百戶胡維城岳鳳鳴各報稱本月初九日有房游擊舍人緝獲細作李朝諒口稱楊應龍欲回國因妻田氏出來不知為何事就住下今見在松坎地方離蔡江三日路兵約有三萬楊應龍有叔稱楊相公領兵在苗兒岡沿途地方修倉囤積糧儲楊應龍在三溪口造船二百艘又稱在扶歡壩新修一國造倉積糧又據操兵王加重稱楊兵在官壩打土廩逐日尋糧上倉等情八月十五日又據塘報千百戶胡維城報稱有蔡江被虜兵王雲原係松潘舊兵從

苗兒岡逃出說楊應龍欲回國其妻田氏子朝棟并子婦等俱出來住在關上割兵三十九營約有十萬之數將虜去軍兵使教士兵放銃製火藥倘教不會將我兵就殺又說要修一條小路進南川又修一條小路從黃荊界石場進界石離重慶止四十里若至界石則重慶南川涪州李渡木洞等處路路可通又稱播州關外掘溝設壘又稱三溪口已造船三十餘隻又在取板還要造大船等情同日又據參將王夢吉游擊楊敏政各報稱八月初一二日節據指揮王繼祖報稱哨探軍兵何江小任二韓通等探得各會仍在龍門里大魚灣二處初三日又據本官揭報據軍兵張七雷友探得路上人言楊應龍差夷目二人來上下赤水攢營又袁年將驢子二匹獵犬二隻弩二張差人送往播州不知何幹未知真實初四五六七日節據本官揭報據軍兵李孝得許大全五等探得各會仍在赤水大魚灣二處等情本月十六日又據兵巡上川東道呈爲狡會應叛連兵猖獗等事據石柱宣撫司申稱本月初三日據家丁劉時仲報稱播會楊應龍知旗令到司取兵於七月初九日遣細作冉廷德於忠鄧伯鯨等家密會叛長馬邦宸等令彼召兵乘虛攻劫本司馬蓋等遂召亡叛百餘人

貴州通志

前事志十三

六三

窩聚於鄧都杜良臣等家於十一日抄劫官莊冉廷漢將家財牲畜罄般等因又據敘馬瀘道呈准建武游擊楊敏政手本據守永鎮堡百戶張承宗呈報七月二十六日據安溪堡地方楊有龍口稱二十五日有王繼先差夷目張月仲王枝用陳八兒王友貴馬舟容等帶兵百餘至地名土洞河東一帶割夷田穀口說要來虜人況係播夷未知意欲如何等情本日又據塘報余世英稟稱有安溪壩羅志渡民劉海懷等二十名在於河東耕種夷田割穀被王繼先夷人張月仲等樹虜去訖本月二十三日又據敘馬瀘兵備道報稱八月十八日據永甯衛差去查探旗軍方朝選報七月十六日楊會擁兵一次割至赤水五畝田沿壩揚言欲借路要往仙鶴洞祭祖祖劉兵數日仍聚賊巢各軍無分星夜周流本屯地界哨探止聞播兵蜂擁未知情形如何本日又據永甯宣撫司報稱查得播兵自六月內入犯蔡江之後出沒莫測本撫自合江縣起至河東赤水吼灘土崖茶壩穆艾壩安羅二村白牙園乾竹臺孔找崖箐口沙溪停子頭緝麻李博等處抵水西止地方邊境與播州相連見今會兵已過烏江近貴州二日路是的已該女土官奢世續行令各邊長官頭目嚴加防禦合行申報

州監察御史宋興祖議照逆賊楊應龍恃其富彊甘心反逆戮將破城了無忌憚近且占據內地修倉貯穀因糧於我又復立石鐫碑殺人以祭蓋已無人心無天道矣昔宋襄川鄧子於社子魚曰六畜不相爲用而況於人乎得死爲幸其後一年而執又一年而死蓋自古殺人祭神未有不死者此亦逆賊天亡之時也乃賊復猖狂逞出沒於川貴之間如鬼如風益復造船數多將圖水陸並出流毒三省遠近爲之震動人臣無將將則必誅是尙可少假時日乎臣等僉議會須滅此朝食乃無後患顧節訪賊之情形實亦非可易與者賊初用兵時不過二三萬且皆五司七姓五十四里之人自連年訐搆撫勦無常賊遂內自驚疑多方設備招集九股惡苗給以殺戮五司之土地賞以搶掠各省之婦女又擅立三十六統制三十六巡警十三親管各有頭目各有兵衆每一人名下多者二三千少者一二千總之不下十四五萬羽翼已成居然勦敵矣我所以待之豈宜淺鮮談者謂宜集兵二十萬夫二十萬兵豈易集餉豈易供然非十四五萬亦未易相當也昔成化時尙書程信勦都蠻用兵十八萬四年而無成功萬歷初年撫臣曾省吾平九繇用兵十四萬一年而無成功今播州之衆

未可保其必得也近見邸報該兵部覆奉聖旨兵餉著該戶部悉心議處與他勿待來請不許支吾了事欽此仰見聖心垂念遠徼賊不足平矣第恐戶部計無所出止令各省括搭萬一各省復乏求之不應往返請乞便歷時月脫有庚癸之呼其可令賊聞且見乎臣等以爲今日之事在四川宜先發五十萬仍留陝西餉銀及催滇中還銀以爲接濟在湖廣宜先發三十萬仍俟臣可大查本省各項錢糧有應留用借用者徑自題請在貴州原無積蓄亦無可留借者姑先發三十萬以上應發錢糧半取之太僕寺半取之河南淮安南京福建兩廣等處以爲半年之餉刻期解到庶克有濟至於各處調到軍兵月糧仍在原籍支給川湖貴三處每日止照近日接遼事例給與行糧蓋卽每兵日給三分而前項解發之數僅支多半年盡矣至於以後如事不卽結或再行請乞或量行徵派統候補部議遵行此三省糧餉之大畧也而將與兵亦有所當覆議者夫今鄰播總兵四川有劉綎綎本雲南設神機營駐紮貴州有童元鎮元鎮由廣西調貴州各制一方無容更議矣惟是湖廣清平偏鎮四衛俱邊播境湄潭一路更當逆賊狂鋒之衝連年逆賊招誘生苗多從偏橋往來恣行搶掠莫可誰何近該臣等議

將貴州總兵移駐偏橋顧偏橋去賊巢近然去貴州省城遠矣貴州去賊巢不及三百里一渡烏江窮日可至與偏橋相望四五百里中隔平越興隆皆通賊之路今春飛練之役實自平越賊若分犯各路直逼省城此非一總兵之力所能禦也且貴州總兵之於偏橋蓋兼制之地也湖廣兵餉宜得湖廣總兵會同湖廣巡撫調發方得精神相貫應付如期乃貴州撫鎮俱以兼制之銜用之此在平居猶可寇在門庭動大兵發大餉欲求臂指如意桴鼓相隨不亦難乎先年湖廣原有總兵且以侯伯爲之後以承平日久暫議裁革今非無事時矣原無者亦應議增况原有者自應議復臣等以爲武昌去南界遠在二三百里即聲聞亦難相通何況調度臣可大宜駐沅州有事宜駐偏橋其貴州總兵無事駐筍省城有事移駐平越統待事甯另議庶幾兩地密於張羅而逆酋已坐井中此萬全之算也其湖廣原無兵馬今欲創設四五萬召募既難如期土兵亦難全恃臣等查得近年備倭沿江一帶皆設南兵如揚州二千鎮江二千新生洲二千淮安三千江北廟灣二千南京新設六營亦可揀選三千此皆見有糧餉無煩召募者今海氛久息備而不用宜行文各處撫臣量給行糧遣發即以

貴州通志

前事志十三

六六

原將統領赴偏橋一帶聽總兵分布防守不足者方調湖省各土司及武岡麻陽等處民兵殺手務足三萬以上之數其外處調到兵月糧仍於原籍支給湖廣亦照前例只給行糧事甯仍各歸原地防守蓋將止復其原有兵半取之素練甚便計也臣等又查得貴州所屬石阡思南二府婺川一縣遠可千里而各府縣隣播巢各一二日程耳各府縣從來無一兵一將止有龍泉一守備領兵千餘控制其衝而兵微將寡又無城可守賊每欲聚而焚之無龍泉則思石婺川隨其後矣臣等以爲宜於石阡設一參將婺川設一游擊各領兵三千一以爲本城之防守一以爲龍泉之聲援其兵將不必另設即以新設湖廣總兵調來之兵將移駐此皆貴州地也然在偏橋之西去湖廣總兵近而去貴州總兵遠防守之事宜全聽湖廣總兵提調貴州總兵亦得遙制庶幾統事勢兩得相安至於偏橋四衛向雖屬貴州總兵兼制今既有湖廣總兵自有專屬不必更屬貴州總兵矣臣等猶有說焉近見邸報兵部撥本內稱廣西總兵陳璘馬上催促由湖廣取道直取粵西臨援不許繞路粵東有誤纓冠之義計陳璘當不月至湖廣矣璘素有威名近征倭更著戰功粵西無事將非所急臣等以爲

宜即改爲湖廣總兵即令於湖廣候旨到任管事其廣西總兵另行推補將見逆賊聞之以爲將軍從天而下也其有不視魄而奪之氣乎至於雲南總兵應移駐益州廣西總兵應移泗州城州庶乎聲聞相及援援爲便以上事體統應題請伏乞敕下戶兵二部酌議發請將前項糧餉急行解發將領急行增設兵馬應調者行各該地方撫臣調發總鎮應移者行各處總兵發行移駐新設將領應給敕印等項查例議給應得廩費等項臣等徑自議處庶乎糧足兵精敵愾之勇自倍倚前角後蟻蟻之命難逃逆賊不足平大甯可計日矣奉聖旨戶兵二部知道兵部覆奉聖旨依擬行內協助餉銀戶兵二部屢次互相執奏關係軍需恐致妨誤不小著都察院會同二部虛心定議來說欽此戶部覆奉聖旨是兵興餉急這四川湖廣地畝加派准機宜行著總督於三省通融支用仍禁有司豪右巧避貪漁等弊毋致累苦窮民兵罷之日即行具奏減免

甲辰設興隆參將一人

按考青螺遺書郭公年譜載有萬歷二十七年請增設黃平參將疏惜文佚然於草載有題裁與黃參將疏測知此蓋因討播增設旋以播平

貴州通志

前事志十三

六七

裁撤也文計云播地入平後又云三十二年十月改置又年譜謂是年公任後十月地方事有請增兵益餉疏催方面官員到任疏銓部更調有司疏考核給由縣官疏報禁江城陷疏考覈給由州官疏請別處兵餉疏議處驅逐疏報禽獲奸細疏疏與李督奏報禽報賊國海請增兵疏請貸安疆臣陳恩疏再請兵餉疏請假川湖兩省庫金疏參總兵到任違限疏元鎮爲一事報賊襲土官疏恩承參五開參將失事疏勅即李督參增設庫吏疏報賊破龍泉土司疏請安插夷婦疏捐俸助大工疏計二十疏皆未報捷前事云云又譜云詞俱載於然皆有目無文存之於以見公當日焦勞播事之一節

九月壬子設畢節參將尋罷

按貴陽志職官云是年旋罷設守備云云原文云畢節參將一人九月壬子

巡撫郭子章請罷稅監許之

萬歷間稅使四出范倉欲權稅金三萬五千兩馬四十四匹每年遺填搜括於黔以裨國用後原茂復以礦稅之說進黔民洶洶憂播復憂稅公與諸大臣合詞以靜上乃下詔停罷罷稅監子章著有止權記以頌聖德